



# basic education

Department:  
Basic Education  
**REPUBLIC OF SOUTH AFRICA**

## SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

TSHIVENDA LUAMBO LWA U ENGEDZA LWA U THOMA (FAL)

BAMMBIRI LA VHUVHILI (P2)

2019

MARAGA: 70

TSHIFHINGA: Awara 2

Bammbiri ili li na masiatari a 21.

## PFESESANI

1. Vhalani siatari heli nga vhuronwane ni sa athu u fhindula mbudziso.
2. Ni SONGO lingedza u vhala bammbiri lothe. Tolani Thebuļu ya Zwi re Ngomu kha siatari li tevhelaho ni swaye nomboro dzo disendekaho kha bugu dze na guđa riwaha uno. Vhalani mbudziso idzo ni koneha u nanga dzine na tama u fhindula.
3. Bammbiri heli lo vhumbwa nga KHETHEKANYO NN:

KHETHEKANYO YA A:	Nganea	(35)
KHETHEKANYO YA B:	Dirama	(35)
KHETHEKANYO YA C:	Nganeapfufhi	(35)
KHETHEKANYO YA D:	Vhurendi	(35)

4. Fhindulani MBUDZISO MBILI dzo fhelela u bva kha khethekanyo MBILI DZINWE na DZINWE.

KHETHEKANYO YA A: NGANEA

Fhindulani mbudziso MBILI kha nganea ye na guda.

KHETHEKANYO YA B: DIRAMA

Fhindulani mbudziso DZOTHE kha dirama ye na guda.

KHETHEKANYO YA C: NGANEAPFUFHI

Fhindulani mbudziso DZOTHE kha nganeapfufhi dze na newa.

KHETHEKANYO YA D: VHURENDI

Fhindulani mbudziso DZOTHE kha zwirendo zwe na newa.

5. Thomani KHETHEKANYO INWE na INWE kha siatari LISWA.
6. Shumisani mutevhe wa u sedzulusa uri u ni thus.
7. Tevhedzani ndaela dzo riwalwaho mathomoni a KHETHEKANYO INWE na INWE nga vhuronwane.
8. Nomborani phindulo dzanu kokotolo sa zwe mbudziso dza nomboriswa zwone kha bammbiri la mbudziso.
9. Ndangatshifhinga yo anganyiwaho: Shumisani minetse i re henefha kha 60 kha KHETHEKANYO INWE na INWE.
10. Nwalani nga vhudele nahone zwi no vhonala.

**ZWI RE NGOMU**

Siaʈari ili li do thusa vhalingiwa kha u nanga mbudziso dzine vha tɿdou dzi fhindula vha songo vhuya vha vhala bammbiri loʈhe.

**KHETHEKANYO YA A: NGANEA**

Fhindulani mbudziso DZOTHE kha nganea ye na guda.

NOMBORO YA MBUDZISO	MARAGA	SIATARI
1. <i>U tshila ndi u vhona</i>	17	5
2. <i>U tshila ndi u vhona</i>	18	6
3. <i>Ho dina one</i>	18	8
4. <i>Ho dina one</i>	17	9

**KHETHEKANYO YA B: DIRAMA**

Fhindulani mbudziso DZOTHE kha dirama ye na guda.

5. <i>Findinkodo</i>	18	11
6. <i>Findinkodo</i>	17	13

**KHETHEKANYO YA C: NGANEAPFUFHI**

Fhindulani mbudziso DZOTHE kha nganeapfufhi dze na newa.

7. 'Wo mu nonela'	17	15
8. 'Ni khou pfuka mulayo'	18	16

**KHETHEKANYO YA D: VHURENDI**

Fhindulani mbudziso DZOTHE kha zwirendo zwe na newa.

9. 'Nduni dza RDP'	18	18
10. 'Kha Mudzulathungo'	17	20

**MUTEVHE WA U SEDZULUSA**

Itani luswayo kha khethekanyo dze na fhindula dzone.

KHETHEKANYO	MBUDZISO	MBUDZISO DZI TEAHO U FHINDULWA	LUSWAYO ✓
A: Nganea	1–4	2	
B: Dirama	5–6	2	
C: Nganeapfufhi	7–8	2	
D: Vhurendi	9–10	2	
<b>PFESESANI:</b> Ivhani na vhutanzi uri no fhindula mbudziso u bva kha khethekanyo MBILI fhedzi.			

**KHETHEKANYO YA A: NGANEA****MBUDZISO 1: *UTSHILA NDI U VHONA – RN Madadzhe***

Fhindulani mbudziso DZOTHE kha idzo dzi re afho fhasi dzo disendekaho kha nganea ye na guda.

Vhalani mafhungo a tevhelaho a bvaho kha nganea ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

**TSIBVELEDZWA TSHA A**

'He inwi Maria, ni songo vhuya na vula, na vula ndi hone ndo lovha. Hoyu muthu anga di vha o fara mbado.'

'Irini ndi vule. Zwi a fâna hoyu Mashudu u fanela u zwi divha zwauri a thi tsha mu funa.'

Nga murahu ha tshifhinganyana, Maria o ya o vula vothi. Mashudu o dzhena afha 5 nduni o sinyuwa sa ndau ya tsadzi.

'Ni nga tou nyita nga u tou rali,' Muvhudzisi ndi Mashudu.

'Ndo ni ita zwifhio? Ni a zwi divha. Iyi goloi i re afha nnâa ndi ya nnyi? A ni mphinduli? Ndi a vhona a ni nnâdivhi zwavhuâi lini!'

Mashudu u ralo a tshi khou latela mipama kha Maria. Mpho nga u pfa Maria a 10 tshi khou rwiwa, a mbo di gidimela ngei ha Mashudu. Mpho u vhonala e muthu o kambiwaho tshothe lwa mafhelelo. Muthada i tshimbila i tshi ditika nga mbondo na zwidulo. Zwezwi a tshi kha di ri a fare Mashudu, Mashudu a vha o li litsha vili hanefha kha ning, Mpho a ya e fhasi nga tshitiko ga! Mukota na wone u tshi thi tâwi. A kondaledza a vuwa, a tshi ri a rwe-who Mashudu, Mashudu a dovha a li 15 litsha liiwe vili hanefha kha ning hafhu, Mpho a ya e fhasi bi! Ha mbo vha u dzidzivhala. Mashudu a tshi vhona o no fushea nga u rwa avha vhathu, mbiti dza vutshela goloi ya Mpho.

- 1.1 Fhethu hune aya mafhungo a khou bvelela hone ndi ngafhi? (1)
- 1.2 No vhala ayo mafhungo a re afho ntâha ni vhona khuâano yo vhangwa nga mini? (1)
- 1.3 Lufuno lwa Maria na Mpho lwo thoma hani? (2)
- 1.4 Mafhungo aya a sumbedza tshipida tshifhio tsha puloto? Ndi ngani ni tshi ralo? (2)
- 1.5 Mafhungo e na vhala afho ntâha a tana Mashudu sa mubvumbedzwa wa lushaka lufhio? Tikedzani phindulo yanu. (2)
- 1.6 Talutshedzani mvumbo ya Maria buguni iyi. (2)

- 1.7 Mpho u a zwifha. Tendani kana ni hanedze no disendeka kha nyambedzano yo vhaho hone vhukati ha Mpho na Phophi. (2)
- 1.8 Sumbedzani masiandaitwa e Mpho a tangana nao nga nthani ha Ndatiso a si na tsha khanani. (2)
- 1.9 Vhudipfi hanu ndi vhufhio no sedza zwiito zwa Mpho wa dokotela. (3)  
[17]

NA

**MBUDZISO 2: UTSHILA NDI U VHONA – RN Madadzhe**

Vhalani mafhungo a tevhelaho a bvaho kha nganea ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

**TSHIBVELEDZWA TSHA B**

'Goloi na yone ya vha i tshi khou swika khothoni. Vhuraru havho vha ya vha valelwa, fhedzi vha valelwa fhethu ho fhambanaho.'

Vho Phophi vho ri u vhona zwauri munna wavho o farwa, vho mbo di gidimela ha Vho Ravhutsi vha vha humbela uri ndi khwiñe vha tshi ya u humbelela munna wavho beili. Vho Ravhutsi a vho ngo hana, vho mbo di doba bege yavho vha 5 gidimela tshititshini tsha mapholisa. Vho Ravhutsi vha swika vha lingedza uri Mpho a fhiwe beili, fhedzi zwe vhutoto. Ha pfi mulandu wa Mpho ndi muhulwane nga maanda lune a fhiwa beili, a nga kha di shavha. Tshinwe tsha vha tsha uri mulandu úyu u do tavhanya uya khothe lune a hu nga do vha na mađuvha manzhi ane a nga wanala sa a beili. Nga murahu, ndi hone-ha 10 Vho Ravhutsi vha tshi vhudzisa Mpho zwauri o farelwia mini. Mpho a vha talutshedza u bva mathomoni u swika magumoni; a vha vhudza nga ha vhukonani hawe na Maria; nga ha dzinndwa dzawe na Mashudu; nga ha musi ene Mpho a tshi ya u hira Dugudzha na Dzwaini. Zwenezwi Mpho a tshi khou amba, Vho Ravhutsi vho vha vha tshi khou talatadza mbuno khulwane buguni. 15

'Ndi khou ri ndi tshi sengulusa mulandu wavho, nda wana hu uri hezwi vha tshi ya khothe, vha fanela u hanedza zwe the zwine zwa do ambwa nga Dugudzha na Dzwaini.'

'Vha ri ndi hanedze? Zwi do shuma?'

- 2.1 Mafhungo aya a khou bvelela ngafhi? (1)
- 2.2 Muanewa dendele buguni iyi ndi nnyi? (1)
- 2.3 Sumbedzani uri ndi tshini tsho itaho uri avho vhatu vha valelwe khothoni. (2)

- 2.4 Vhambedzani hune Dzwaini na Dugudzha vha fana hone zwi tshi ya kha matshilele avho. (2)
- 2.5 Nangani phindulo yo teaho.
- Phophi o olwa sa muanewa ane a ...
- A pfela munna wawe vhutungu.  
 B si pfele munna wawe vhutungu.  
 C funa u lishedza.  
 D vhenga vhoramilayo. (1)
- 2.6 Mafhungo aya a t̄ana tshipida tshifhio tsha puloto? Tikedzani phindulo yanu. (2)
- 2.7 U vha na tshelede a zwi tandululi thaidzo ine muthu a vha nayo vhutshiloni. Tikedzani likumedzwa ili nga two bvelelaho kha Mpho. (2)
- 2.8 Talutshedzani two bvelelaho kha thasululo ya bugu iyi zwi tshi elana na vhutshilo ha Mpho, Dugudzha na Dzwaini. (2)
- 2.9 Phophi na u pfiswa hawe vhutungu, u a kona u hangwela. Sumbedzani vhungoho ha fhungo ilo nga mbuno MBILI. (2)
- 2.10 Ngavhe no vha ni ramilayo, no vha ni tshi do vha no fhelisa mulandu wa Dzwaini, Dugudzha na Mpho nga ndila-de? Talutshedzani nga mbuno THARU. (3)  
 [18]

**MBUDZISO 3: HO DINA ONE – Sharon Mbedzi**

Fhindulani mbudziso DZOTHE kha idzo dzi re afho fhasi dzo ȏisendekaho kha nganea ye na guda.

Vhalani mafhungo a tevhelaho a bvaho kha nganea ye na guda uri ni kone u fhindula mbudziso dzo vhuzziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

**TSHIBVELEDZWA TSHA C**

'Nne ndo da hafha vhathu vha hashu nge nda guda zwiwiwe zwithu vhutshiloni.' O ri u ralo avha vhavhili vha sokou sedzana. Ene a tshi isa phanda a ri: 'Ndo lwisa nga ndila dzothe u sendedza vhathu kule na lupfumo lwa khotsi anga nge nda humbulela uri vhathu vha khou toda u nndeledza. Namusi ndi tshi khou amba a thi tsheena na peni naho ndo vha ndi si na shaka li no khou nnedeledza. 5

Vhathu vha hashu, ndo zwi dzhiela nthia na u kona u zwi vhona uri vhathu nga lufu lwa mme anga vho vha vho da u ntikedza na u mphalala fhedzi. Kha ndi farelwe kha maipfi othe e nda pora vhathu ngao nga mulandu wa tseda. Ngoho ndi khou ȏisola vhukuma. Nga mbilu yanga yothe ndi khou humbelu pfarelo. Vhathu kha vha dovhe vha ntanganedze sa nwana wavho.' O ri u ralo a lila lu 10 tomolaho mbilu. Tshililo itsi tsha kwama khaladzi na khaladzi.

'Rine ro vha ro no hangwa kale zwo iteaho muđuhulu. Nahone a ro ngo vhuya ra zwi dzhenisa mbiluni. Ene kha pfe e hayani muđuhulu. A ri koni u laja nwana nga phadi na musi na muthihi. Ene u murado wa vhutshilo hashu. Sa zwenezwo kha pfe o swika hayani; a si zwone kani khaladzi?' Vho ri u ralo Vho Maboho vha lavhelesa khaladzi. Munna we a vha o fhatwa sa musadzi. Kaleni havho u a zwi vhona uri vho vha vha tshi tou fhunzhela vhasidzana. Zwothe khavho zwo vha zwo linganelo. 15

- 3.1 Mafhungo a nganea iyi a khou bvelela nga tshifhinga tshifhio? (1)
- 3.2 Ngeletshedzo o olwa sa muanewa wa lushaka lufhio? Ndi ngani ni tshi ralo? (2)
- 3.3 Ndi mini tsho itaho uri Ngeletshedzo a ȏiwane a tshi khou amba na vhathu vha re afho mafhungoni? (2)
- 3.4 Khudano yo bvelelaho vhukati ha Ngeletshedzo na vhathu vha re afho nthia musi wa nzudzanyo ya mbulungo ya mme awe ndi ya lushaka lufhio? Tikedzani phindulo yanu. (2)
- 3.5 Nangani phindulo yo teaho.

Vhushaka vhukati ha Ngeletshedzo na Vho Olga ndi ha ...

- A makhulu na muđuhulu.
- B mme na nwana.
- C muzwala na muzwala.
- D malume na muđuhulu.

(1)

- 3.6 Vhudipfi ha Ngeletshedzo mafhungoni aya ndi vhufhio? Ndi ngani ni tshi ralo? (2)
- 3.7 Dzina la bugu li elana hani na mafhungo a nganea iyi no sedza vhutshilo ha Ngeletshedzo? (2)
- 3.8 Talutshedzani mathakhe a nganea iyi (2)
- 3.9 No sedza mafhungo a re afho ntha ndi pfunzo ifhio ine na guda? (2)
- 3.10 Arali ni khonani ya Ngeletshedzo no vha ni tshi do mu eletshedza zwifhio malugana na ndeme ya pfunzo? (2)
- [18]

NA

**MBUDZISO 4: HO DINA ONE – Sharon Mbedzi**

Vhalani mafhungo a tevhelaho a bvaho kha nganea ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

**TSHIBVELEDZWA TSHA D**

Veronica na Sibongile vha dzhia madzulo fha la. Zwa dzhia tshifhinga Zakes a sa khou bvelela. Nga murahu a swika a dzhena. Sibongile a didzudzanya zwavhu di. Veronica a sa vhuye a dzinginya. Khae o dzenahao a si Bra Zakes.

'Welcome Sib, 100% protected.' O ri u ralo Bra Zakes a dzula kha sofa lawe li re thungo ha mariwe lo kwamaho luvhondo. 5

'Thanks, welcome my colleague, her name is Veronica.' U khou ralo Sibongile o tou takuwa a ima nga milenzhe.

'Welcome Veronica.' U khou ralo Bra Zakes o dzula kha Sofa lawe a tshi nga o tou edela. Khofheni o ambara ngilasi ntswu. 'Thanks!' Ndi Veronica we a ralo o dzula kha Sofa. 'Kha ri ambe mushumo Sib, no vhewa ngani fhano?' U khou ralo Zakes o sedza Sibongile. Nga itshi tshifhinga o vha a tshi vho amba nga Tshizulu. 10

Sibongile: 'Hoyu mushumisani u na thaidzo na linwe tsilu li re Limpopo. O li rwa tshelede, zwino li khou i toda murahu.'

Zakes: 'Zwino?' 15

'Ha khou toda u li vhulaha, zwine a khou toda ndi uri li dzule kana u fela dzhele.'

'A hu na thaidzo, tenda a da tsini hanga. Ha nga fhedzi nwedzi a songo farwa hoyo.'

'Nne na inwi Sib ri a divhana.' O ri u ralo Zakes a ita ngafhadzo i divhiwaho nga Sibongile. 20

- 4.1 Mafhungo e na vhala afho ntha a khou bvelela ngafhi? (1)
- 4.2 Madalo a Veronica na Sibongile afho mafhungoni o vhangwa nga khu dan i re vhukati ha nnyi na nnyi? (2)

- 4.3 Mafhundo a re afho nt̄ha a t̄ana tshipiда tshifhio tsha puloto? Tikedzani phindulo yanu. (2)
- 4.4 Mafhundo e na vhala a t̄ana Bra Zakes sa muthuđe? Tikedzani phindulo yanu. (2)
- 4.5 Sibongile o olwa sa mubvumbedzwa wa lushaka lufhio? Ndi ngani ni tshi ralo? (2)
- 4.6 Mafhundo a nganea iyi a khou bvelela nga tshifhinga tshifhio? Tikedzani nga mbuno MBILI. (2)
- 4.7 Thero ine ra i wana kha nganea iyi ndi ifhio? (2)
- 4.8 Muhumbulo muhulwane u no wanala kha nganea iyi ndi ufhio? (2)
- 4.9 Ni a pfela vhutungu Ngeletshedzo kha zwe a tangana nazwo nga mulandu wa tshikwekwe tshe a lukelwa? Tikedzani phindulo yanu. (2)  
[17]

**THANGANYELO YA KHETHEKANYO YA A:**

35

**KHETHEKANYO YA B: DIRAMA****MBUDZISO 5: FINDINKODO – TT Mudau**

Fhindulani mbudziso DZOTHE kha idzo dzi re afho fhasi dzo disendekaho kha dirama ye na guda.

Vhalani mafhungo a tevhelaho a bvaho kha dirama ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

**TSHIBVELEDZWA TSHA E**

MUTHUMUKHULU:	Kha muvhuso une wa do vha hone miwaha miraru idaho, Phuresidenthe wa shango u do vha muthihi, a vha tsha do vha vhavhili.	
DE WIT:	Rine ilo a ri imi nalo. Ri vhabona li sa do fha la lushaka, li do hudza dziphambano vhukati ha lushaka, khwi ne ndi 5 musi vhatthusaphuresidenthe vhe vhavhili.	
SKOSANA:	Thaidzo ndi ya uri zwi khou durela shango u badela poswo dzi si na mushumo. Miwe mishumo i khou sokou dovhola ngeno i sa disi mvelephanda. Phuresidenthe kha vhe muthihi, a vhe na mufarisi muthihi.	10
MUNWE WA CAP:	Ilo ri ima nalo.	
MUNWE WA VCP:	Na ri ne ri ima na la phuresidenthe muthihi na muthusaphuresidenthe muthihi. Kha zwi ombedzelwe kha ndayotewa heyi.	
COETZEE:	Vhanna, kha ri litshe u ita zwithu ri songo thoma ra humbula. La phuresidenthe muthihi na muthusaphuresidenthe muthihi a thi imi nalo. Li na vhutudzetudze ngauri muvhuso uyu a u na ndinganyelo ya miumbulo ya vhatu vho fhambanaho. U do isa phanda na vhufogoli hawo hu si na munwe a kaidzaho na 20 u sumba ndila dzo peamaho.	15
DE WIT:	Ri khou amba nga 'Checks and balances'.	
MUTHUMUKHULU:	A si dimokirasi heyo. Vhatu vha do vhusa nge vha voutelwa nga vhatu. Hezwi zwa u sokou kumedza vhatu zwidulo ngeno vha songo voutelwa zwi khou do 25 fheliswa kha khetho dzi daho.	
DE WIT:	Ndi ngazwo ri ne ri tshi ri kha ri tendelwe ri bve muvhusoni hoyu hu tshee na tshifhinga ngauri arali ra twa muvhusoni hoyu, ri do liwa. Vhatu a vha nga ri divhi.	30

- 5.1 Mafhungo e na vhala a wela kha tshipiда tshifhio tsha puloto? (1)
- 5.2 Bulani fhethu hune mafhungo aya a khou bvelela hone? (1)
- 5.3 Sumbedzani hune Muthumukhulu na De Wit vha fhambana hone siani la zwa polotiki? (2)
- 5.4 Ndi mini tsho vhangaho uri hu songo vha na vhathusaphuresidennde vhavhili sa zwe De Wit na Coetzee vha zwi tamisa zwone? (2)
- 5.5 Nangani phindulo yo teaho kha mutevhe wo ḥekedzwaho.
- Thalutshedzo ya dimokirasi ndi ...
- A u ḥivoutela iwe muṇe.  
 B u wana zwidulo zwinzhi kha muvhuso wa vundu.  
 C muvhuso wa vhathu nga vhathu.  
 D u kona u vhusa vhathu. (1)
- 5.6 Mvumbo ya De Wit siani la zwa polotiki ndi ifhio? (2)
- 5.7 Muthumukhulu u wela kha lushaka lufhio lwa vhaanewa. Tikedzani. (2)
- 5.8 Ndi ngani hu na khuḍano kha mafhungo e na vhala? (2)
- 5.9 Ndi zwifhio zwe na guda kha ḥirama iyi? (2)
- 5.10 Ni vhona polotiki i tshi vhuedza lushaka? Tikedzani phindulo yanu nga zwi bvaho kha ḥirama iyi. (3)

[18]

**NA**

**MBUDZISO 6: FINDINKODO – TT Mudau**

Vhalani mafhungo a tevhelaho a bvaho kha dirama ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

**TSHIBVELEDZWA TSHA F**

SKIET:	( <i>E ethe</i> ) Matshelo ndi duvha la khetho dza masipala. Ha, ri do vhonā. ( <i>No tshifhinganyana</i> )	
	Onoyu De Wit u imelela nnyi ngauri o no tou dzhena kha u vha hawe murema? Hoyu munna u khou thoma u rengisa lushaka lwa Maafurikanere. Na zwine a amba zwone a zwi pfali. ( <i>Hu dzhena Skosana</i> )	5
SKOSANA:	Môre! Môre! Gaan dit goed?	
SKIET:	More minista, dit gaan goed, hoe gaan dit met jou?	
SKOSANA:	Random somaar! ( <i>Vha a sea</i> )	
	Edzou mmbudza Skiet, u ngafhi Muhulisei De Wit?	10
SKIET:	De Wit Khayelitsha? ( <i>U a humbula. No tshifhinganyana.</i> ) Minista hafhu?	
SKOSANA:	U humbula zwone, a thi tsha vha minista.	
SKIET:	Ek is jammer, ek is jammer, minista.	
SKOSANA:	Ek voel jammer vir jou ook.	15
SKIET:	( <i>O akhamala</i> ) Wat?	
SKOSANA:	U a vhonā houla murangaphanda wau u khou sokou dinetisa. U khou pwasha vhuthihi ha lushaka lwa Maafurikanere. Vhonā, u pesukana hawe Khayelitsha a ho ngo mu vhuisele lukuna, <u>o bva nga dza mapfene</u> henengei. U a divha ndi mini, Skiet?	20
SKIET:	Ii!	
SKOSANA:	Muthu mutswu u nga si mu renge. De Wit kha litshe u rengisa lushaka lwa hawe a lu fha te a tutshele u amba mazwifhi phanda ha vhatu ngauri vha do mu rwa.	
SKIET:	Eyaa?	25
SKOSANA:	Iwe na Klank na Jan khwi ne ni tshi bva na litsha De Wit a tshi penga e ethe. Pfesesai hafha.	
SKIET:	Ndo thetshelesa.	

- 6.1 Bulani fhethu hune mafhungo aya a khou bvelela hone. (1)
- 6.2 Skiet ni mu vhonā sa muanewa wa mvumbo-de? (1)
- 6.3 Ndi ngafhi hune Skosana na Skiet vha fhambana hone siani la polotiki na murafho? (2)

- 6.4 Ndi tshini tsho itaho uri De Wit a vhe na muhumbulo wa u ya Khayelitsha? (2)
- 6.5 Ho bvelela mini musi De Wit o ya Khayelitsha? (2)
- 6.6 Nangani phindulo yo teaho.
- Mafhungo a ino bugu a elana na zwa ...
- A vhurereli.  
 B pfunzo.  
 C politiki.  
 D mutakalo. (1)
- 6.7 Tshipiда tsha mat̄hakhe kha iyi dirama ndi ngafhi? Talutshedzani. (2)
- 6.8 Muhumbulo muhulwane wa mafhungo a re afho n̄tha ndi ufhio? (2)
- 6.9 Khudano ya Skiet na De Wit yo diswa ngani? Talutshedzani. (2)
- 6.10 Inwi ni vhona u thathiwa ha De Wit ngei Khayelitsha zwo khakhea?  
 Tikedzani muhumbulo waṇu. (2)
- [17]

**THANGANYELO YA KHETHEKANYO YA B:** 35

**KHETHEKANYO YA C: NGANEAPFUFHI****ZWA VHUTSHILO – NA Milubi na LL Mafenya****MBUDZISO 7: 'WO MU NONELA' – LL Mafenya**

Vhalani mafhundo a tevhelaho uri ni kone u fhindula mbudziso dzi a tevhelaho.

**TSHIBVELEDZWA TSHA G**

Lwendo lwo vha lwone mu bva na nyete. Ndi zwine vhanzhi vha di ri lwendo lu naka u na muñwe. Nge a vha e ethe, o mbo di ditoñdela khonani kha tshigwada hetshi tshine a vha natsho. Dzone ha ngo vhuya a lenga u dzi wana. Nahone vha tshi sala vha tshi takuwa vhukavhamabufho o vha o no di vha na khonani. U dina khonani ye a wana ndi ya tshinnani.

5

Vhula vhukonani ho mbo di vhidza vhudavhu. Lwendoni vhatu vho tou divhonisa, ndi kakara-kakara. Vhane vha mu divha Thathani vho pfa zwi tshi ita na u shonisa. Ndi hune vha tshi swika hayani zwa tea u ambiwa, kana ndi dzone dzi no fela maramani. Hu tou vha ene muthannga na musidzana, u tangana ndi kule na haya, aredi. Vho di tou vhuya vha vhuya lwendoni a tshi di vha kha mishumo yawe Thathani.

10

Zwithu iteli zwa thoma u huma zwi a kondä. A vho ngo zwifha vhe vha ri ya la muñawa a i humi. Naho izwi zwe a vha e khazwo ngei Israele zwi tshi nga a zwe ngo swika ndevheni dza Humbulani, zwine a vho ita zwi nga zwi do dina. U vhuya Israele o no digudisa midifho ya tshifhinga nyana zwi khou dina. U vho tou zwi vhona tshothé uri munna wawe ha khou mu londa lini. U vho dzula a tshi khou gungula. Ndi zwe u gungula hawe a vhuya a hu swikisa na kha khonani yawe hoyu Mukatshelwa.

15

- |     |  |     |
|-----|--|-----|
| 7.1 | Ndi ngafhi hune vhatu vha khou dala hone mafhungoni a re afho nthä?  | (1) |
| 7.2 | Tshivhangi tsha khuñano yo vhaho hone mafhungoni aya ndi tshifhio?   | (2) |
| 7.3 | Sumbedzani muanewa dendele na thaidzo yawe.  | (2) |
| 7.4 | Inwi ni vhona muñwali o kona u fusha thodea ya nganeapfufhi zwi tshi kwama thoho? Tikedzani phindulo yanu. | (2) |
| 7.5 | Mafhundo e na vhala a wela kha tshipida tshifhio tsha puloto. Tikedzani phindulo yanu.                     | (2) |
| 7.6 | Thathani o olwa sa mubvumbedzwa-de u ya nga mafhundo e na vhala?   | (2) |

- 7.7 Thero ya nganeapfufhi iyi ndi ifhio? (2)
- 7.8 'Tshelede a si hone vhutshilo' Ni a tendelana naa na likumedzwa ili?  
Tikedzani phindulo yanu. (2)
- 7.9 Ni vhona muñwali o kona u bveledza tshipida tsha vhaanewa vhahulwane  
kha nganeapfufhi iyi naa? Tikedzani phindulo yanu nga mbuno MBILI dici  
pfalaho. (2)

[17]

## NA

**MBUDZISO 8: 'NI KHOU PFUKA MULAYO' – NA Milubi****TSHIBVELEDZWA TSHA H**

Maduka o ri u dzhena rumuni yawe a sutula avurolo lawe. Kana o vha mafhundo  
a uri u khou ḥoqwa nga tshikhaphikhaphi nga musadzi wa mukhuwa wee, a mbo  
di gidi mel a shawarani. U dzhena a vulela madi, ha mbo di vha u thoma na u  
didoswola a songo tsha kokodza na luña lulabi lwa pulasitiki.

Ha ri a tshi tou ima nga fasitere maṭo a ri vhona. Ula musadzi wa vhathe u vhona 5  
maduka a tshi khou pupumisa tshisibe. Musi a tshi ḥodza muvhilini a vhona  
zwifhangwa zwa Maduka two vhea thavha. Misipha ya zwirumbi yo vhea migero sa  
i livhaho masimuni. Madi a shawara a tshi khou munela sa mvula ya mibvumbi.  
U ralo ya kuvhulula tshisibe tshiila tshi re kha muvhili wa Maduka.

Maduka a isa tshanda, a mbo di vala ala madi. A anulula thaula yawe ye ngayo a 10  
thoma u diphumula ngauralo, a sedza mbumbo ya muvhili wawe a pfa a tshi  
fushea. Ha ri a tshiri maṭo hari! A vhona ula mufumakadzi wa mukhuwa o ima o  
mu tielela. A mbo di thamuwa, a fara luña lulabi lwa pulasitiki a lu kokodza lwa  
vala. A ima e noo!

Maduka a tshi livha n̄duni ya ula mukhuwa ndi musi o rwela zwithu zwawe. 15  
Muvhilini ndi musi o tshikhaphi tshi no sia khana yo tou dimutshela nn̄da  
zwavhuđi. Vhurukhu hone lo vha li sila la 'cut-rite'. Milenzheni o rwa nga  
tshienda tsha dzina tshitswu na swogisi dla mavhalamavhala.

- 8.1 Maduka o olwa sa mubvumbedzwa-de? (1)
- 8.2 Bulani vhaanewa VHAVHILI vhe khuđano ya disendeka khavho  
mafhungoni aya. (2)
- 8.3 Mafhundo e na vhala a tana tshipida tshifhio tsha puloto? Tikedzani  
phindulo yanu. (2)

- 8.4 Mutodo muthihi wa nganeapfufhi iyi ndi ufhio? (2)
- 8.5 Muñwali o kona naa u fusha thodea ya vhaanewa kha nganeapfufhi iyi?  
Tikedzani phindulo yanu. (2)
- 8.6 Nomathemba ndi musidzana wa mvumbo-de? Talutshedzani. (2)
- 8.7 Mafhungo a nganeapfufhi iyi a khou bvelela nga tshifhinga tshifhio no sedza tshanduko shangoni lashu? (2)
- 8.8 Nangani phindulo yo teaho kha mutevhe wo nekedzwaho.
- Fhethu hune mafhungo aya a khou bvelela hone ndi ...
- A mudini wa Maduka.  
 B mudini wa Janet.  
 C Doroboni ya Sibasa.  
 D tshikoloni. (1)
- 8.9 Inwi ni vhona zwiito zwa Maduka na Janet zwo tea naa musalauno?  
Tikedzani nga mbuno MBILI. (2)
- 8.10 Inwi ni vhona muñwali o zwi konana u fusha thodea ya u sia muyani?  
Tikedzani phindulo yanu. (2)  
[18]

**THANGANYELO YA KHETHEKANYO YA C:** 35

**KHETHEKANYO YA D: VHURENDI*****SHOTHODZO – TN Pholi na TK Mkansi***

Kha iyi khethekanyo, mbudziso dzi bva kha zwirendo zwi tevhelaho:

- 'Nduni dza RDP' – TN Pholi
- 'Kha mudzulathungo N Mmbi' – TN Pholi

Fhindulani mbudziso DZOTHE kha zwirendo zwe na newa.

**MBUDZISO 9**

Vhalani tshirendo tshi tevhelaho uri ni do kona u fhindula mbudziso dzo disendekaho khatsho.

**NDUNI DZA RDP – TN Pholi**

- |    |  |
|----|--|
| 1  | Mat̄o o vhona ndi kule nda kungea,             |
| 2  | Tsini-tsini nda sendela,                       |
| 3  | Muhumbulo wo pika u fushea,                    |
| 4  | Nda sendelesa nda ḥovhowa.                     |
| 5  | Nndu dzavhudi mafasit̄ere mabuli,              |
| 6  | Mbondo dzo kunaho dzo dona kavhili,            |
| 7  | Mivhala i kungaho i ḥengisa u sedza,           |
| 8  | Thanga dzo fulelwaho, fhasi malege o awela.    |
| 9  | Zwītarāta zwo shanduka mabunga,                |
| 10 | Milambwana i elaho wa nwa madi u a golola,     |
| 11 | Dzo faho mmbwa haya hadzo ndi henehfo,         |
| 12 | Vhadzadze a vhana mashika vha posa.            |
| 13 | Nndu dza RDP vhadzuli vhadzo,                  |
| 14 | Namusi ndi vhano, matshelo ndi avho,           |
| 15 | Ndevhe u dzinga ho ḥala,                       |
| 16 | Zwilidzo u ḥala, miungo phosho zwo hudza.      |
| 17 | Vhana na vhokhotsi vha gekhana khoroni,        |
| 18 | Vhariwe vha tshi dzhena, vhaīwe vha tshi bva, |
| 19 | Zwi ḥengisaho zwothe fhano ndi hone haya,      |
| 20 | Vhathu vho shanduka zwipuka nga husili.        |
| 21 | Vhahashu, nn̄du dze na newa,                   |
| 22 | Tondani, kunakisani ni fushe vhafhi,           |
| 23 | Shandukani, vhuthu na vhudele zwi vhe zwaṇu,   |
| 24 | Nduni dza RDP fhalā.                           |

- 9.1 Murendi a tshi ri nn̄du dza RDP u khou amba nn̄du dzifhio? (1)
- 9.2 Sumbedzani zwine vese ya 5 ya amba zwone. (2)
- 9.3 Nga murahu ha u vhala vese 13 na 14 ni ḫelwa nga tshifanyiso tshifhio? (2)
- 9.4 Ḫalutshedzani ndeme ya ipfi: 'Dona' Li re kha tshitanza tsha vhuvhili. (2)
- 9.5 Murendi uyu o takala naa? Ndi ngani ni tshi ralo? (2)
- 9.6 Sumbedzani tshikimu tsha raimi kha tshitanza tsha vhuraru. (2)
- 9.7 Nangani phindulo yo teaho kha mutevhe wo ḥekedzwaho.

Murendi o sumbedzisa vhadzuli vha n̄duni dza RDP vhe vhathu vha ...

- A Vhudele.  
 B Zwivhuya.  
 C Vhuada.  
 D Vhuthu. (1)

- 9.8 Ndi ushio mulaedza une murendi a tama u u fhirisa nga tshitanza tsha vhurathi? (2)
- 9.9 Ḫalutshedzani zwine vese 9 ya amba zwone. (2)
- 9.10 Inwi ni nga takalela u dzula n̄duni dza RDP dzine murendi a khou amba ngadzo? Ndi ngani ni tshi ralo? (2)

[18]

**NA**

**MBUDZISO 10**

Vhalani tshirendo tshi tevhelaho uri ni do kona u fhindula mbudziso dzo disendekaho khatsho.

**KHA MUDZULATHUNGO N MMBI – TN Pholi**

1 U diita mudzulathungo khole,  
 2 Vhukati ha vhathu u dzula u hone fhała,  
 3 Zwauri u mudzulathungo zwa mbo hanedzwa,  
 4 U mudzulavhathuni nga zwe wa fhiwa.  
 5 Mbilu yau a si mmbi,  
 6 Yau ndi mbuya zwi a divhea,  
 7 Zwau u pfi mmbi ndi dzina, ndi nzulele,  
 8 Thuso kha vhanzhi wo nekedza.  
 9 Vhukati ha vhathu ndo u vhona,  
 10 Vhuimo ha u vha murangakusi ndo hu vhona,  
 11 Zwi mbo bula uri a u pfi mudzulathungo,  
 12 Lau ndi la mudzulavhukati ha vhathu.  
 13 Nala dzau iwe Mudzulathungo,  
 14 Hothe he dza fara ndo vhona,  
 15 Zwivhuya sa mvula ya mibvumbi zwo u nela,  
 16 U sa mwemwela khofheni u tou difara ndi a tenda.  
 17 Vhubva a si thama yau,  
 18 Ndo u vhona u tshi shishinika, mabiko a phopha,  
 19 Wa kokodza na riñe vhe ra vha ro tibwa,  
 20 Wa ri vusa ra divha vhuriñe, ra tevhela ro fhumula.  
 21 Mmbi yau namusi yo khwatha,  
 22 Sedza murahu u vhone,  
 23 Mutshatshame we wa alusa wothe,  
 24 Pfunzoni na vhutshiloni,  
 25 Ndi mmbi mbuya a si mmbi mmbi.

- 10.1 Mutevhetsindo wa tshirendo itshi ndi ufhio? (1)
- 10.2 Kha mutualadzi kana vese 25, murendi o shumisa ndovhololo ya maipfi. O zwi itela mini? (2)
- 10.3 Vese kana mutualadzi 23 u khou bvisela khagala zwifhio? (2)
- 10.4 Murendi u khou renda e kha limudi lifhio la tshirendo? (2)

- 10.5 Murendi o shumisa tshiga: 'Nala' Kha vese 13. Inwi  $\ddot{\text{t}}$ alutshedzani uri tsho imela mini? (2)
- 10.6 Sumbedzani figara ya muambo yo shumiswaho kha vese 15 ni dovhe ni  $\dot{\text{n}}$ ee na  $\ddot{\text{t}}$ halutshedzo yayo. (2)
- 10.7 Muhumbulo muhulwane wa tshirendo itshi ndi ufhio? (2)
- 10.8 Topolani vese he murendi a shumisa khaesura ni dovhe ni sumbedze uri o zwi itela mini? (2)
- 10.9 Nga murahu ha u vhala tshirendo itshi, ndi zwifhio zwine na sala no guda vhutshiloni? (2)
- [17]

**THANGANYELO YA KHETHEKANYO YA D:** 35  
**MARAGAGUTE:** 70